

**KJKP "VODOVOD I KANALIZACIJA" d.o.o. SARAJEVO**  
**v.d.DIREKTOR**  
**Izvod broj: 39/18**

Sarajevo, 24. 5. 2018. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 39/18 od 16.05.2018. godine, u postupku javne nabavke br. 39/18 „Migracija GIS aplikacija na novu software – sku platformu“ donosi se :

**O D L U K A**

o poništenju postupka javne nabavke

**Član 1.**

Poništava se postupak javne nabavke broj 39/18 za nabavku usluga : „**Migracija GIS aplikacija na novu software – sku platformu**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : 39/18 od 06.04.2018.godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a iznosi : 90.000,00 KM.

Obavještenje o nabavci broj: 247-1-2-70-3-141/18 poslato je na objavljivanje na Portal javnih nabavki dana 11.04.2018.godine a sažetak obavještenja o nabavci objavljen je u Sl. glasniku BiH broj : 23. od 13.04.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 39/18-1 od 06.04.2018.g.

Komisija za javnu nabavku dostavila je dana 21.05.2018.g. Preporuku o poništenju postupka javne nabavke usluga : „Migracija GIS aplikacija na novu software – sku platformu“ - tender broj 39/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku je dostavljena: 1 (jedna) ponuda ponuđača: Grupa ponuđača: „GDI“ d.o.o. Sarajevo i „GDI Solutions“ d.o.o. Beograd /Srbija
- Da je blagovremeno zaprimljena: 1 (jedna) ponuda ponuđača: Grupa ponuđača: „GDI“ d.o.o. Sarajevo i „GDI Solutions“ d.o.o. Beograd /Srbija
- Da nije bilo neblagovremeno zaprimljenih ponuda.
  
- Da dostavljena ponuda ponuđača: Grupa ponuđača: „GDI“ d.o.o. Sarajevo i „GDI Solutions“ d.o.o. Beograd /Srbija ispunjava zahtjevene tenderske uslove prema obliku i potpunosti u smislu pripreme ponude.

Pregledom ponude ponuđača Grupa ponuđača: „GDI“ d.o.o. Sarajevo i „GDI Solutions“ d.o.o. Beograd, Srbija, konstatovano je da ponuđač Grupa ponuđača: „GDI“ d.o.o. Sarajevo i „GDI Solutions“ d.o.o. Beograd, Srbija dostavio Izjavu o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. i Izjavu o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4. ali su dostavljene izjave prekucane te time nije ispunjen zahtjev ugovornog organa odnosno ponuđač nije postupio u skladu sa tačkom 17.1 „Način izrade ponude“ a u kojoj je navedeno sljedeće : *„Ponuđači pripremaju ponudu u skladu sa uputstvima i zahtjevima iz ove tenderske dokumentacije. Ponuđači su obavezni ponude pripremiti na anexima (obrascima) i prilozima koji su sastavni dio tenderske dokumentacije. Aneksi i prilozi iz tenderske dokumentacije se ne smiju prekucavati niti se smije mijenjati sadržaj istih. Ponude koje ne budu pripremljene i dostavljene u skladu sa zahtjevima iz ove tenderske dokumentacije biće odbačene.“*

Obzirom na navedeno, konstatovano je da Grupe ponuđača: „GDI“ d.o.o. Sarajevo i „GDI Solutions“ d.o.o. Beograd, Srbija ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača smatra neprihvatljivom i ista se odbacuje, te neće biti predmet daljeg razmatranja.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:  
- a/a

*[Handwritten signature]*



v.d. Direktor

*[Handwritten signature]*  
Azra Muzur, dipl.inž.građ.

*si*  
*Medue*